

本書據1949年版影印

先生勛鑒三十三年

敝會

曾以所印西北革命史徵

初稿送覽並請閱後函示意見良以時往世移年逾一紀整理放失其道彌艱明知脫漏舛謬之處必不在少至非集衆廣思莫衷至是故請於檢閱時隨事指正函告簽定俾得重行易稿期於至當嗣後共計接到來函三十四件糾謬補缺實多定正除已依照來函逐一補入更是茲猶恐尙有遺脫故一面廣徵諸先烈之碑銘行述及私家傳記合併印存以資互證茲以歲月不居延引過久一面就現已是正之本重行付印板本較前微爲精善計分上中下三卷上卷爲記事中卷爲傳記下卷爲附錄所徵誌銘

及最近續輯者附入下卷茲再申敘前意仍請於閱覽時
見有記載舛誤與事實刺謬者卽祈隨時見教其或情節
較複一時不易筆舉者亦乞迅賜函告卽當派員面取節
略載筆從事總期無負已往之先烈不乖當日之史實俾
得衆情允洽永成信史然後更煩梓人刊爲定本不獨會
不負執筆之責已也茲附上重印西北革命史徵稿一
部共計上中下三冊卽請檢收示及爲禱專此並頌
公綏

陝西革命先烈褒卹委員會啓

三十八年二月

凡例

一、本書原名西北革命史以二十六年起着手徵集資料中經抗戰人事變遷所得稿件無幾其辛亥首事秦隴復漢軍之文件隻字無存討袁護法之役檔案均存督署直軍入關付之一炬靖國軍之役時間較長其大本營則在三原韓黃之戰成爲灰燼國民二軍之役中原旋師不持片紙以故執筆者羌無根據向非當年從事之人幾等於懸空虛造其所徵到之稿又多罅漏不完往往於一事之本末一人之出處輾轉函問幾經釐定故各先烈傳記有極似簡略者一再期待無法增補不得已於三十三年將既成之稿作三次分印三冊分別送致各方同人請予補正糾繆隨時交來以備輯成定稿其後次第收到來函是正者約三十餘起當即逐一補入但審視全文仍難成爲定稿竊念日月逾邁人事遷移故決就刻下更正之稿再行付印定名曰西北革命史徵稿以俟更有所得再圖鉛墨庶期永成定本

一、西北革命軍事蹟綿歷三十餘年中間包括西北革命歷次戰役方輿廣袤數省參與革命人士無慮千百今欲排比事實勒爲專書不惟具有史才史識史學之通才卒不易得即本事材料亦感缺乏茲刊僅就力所能及以存事實未可與一般著述者相提並論

一、書中於死事先烈概從立傳更能得其誌銘墓碑家傳者亦統爲編入藉資互證其

見在之人除敘事時見於文中既不別立專傳

一、三十年來西北革命人士捐軀賣志於疆場者實不止於此數聞見有限搜訪未周其間漏列者應不在少當再從事訪求仍盼閱者如有所見隨時來函提示俾他日重印定本時可以補正

一、本書已經付印尙續有收到之稿如李壽亭樊亮丞李養泉程遠鵬茲一並附入下冊之末全書目錄已在印上冊時先經印出故各篇之目不及列入總目致成脫漏

一、本書共印成上中下三卷上卷爲記事之文中卷均爲傳記下卷爲附錄及諸先烈之墓誌碑銘並續得之文在焉

一、各革命戰役中殉職捐軀者有文職軍佐地方耆紳賓客之從軍者團隊人員於例均得備列其名且其中實多俊偉秀異之材惜乎所得甚少仍乞閱者有所聞知隨時見敘事關史實敬希無吝往復

一、本書徵稿以楊子廉先生費神最多其所徵到之稿亦最夥例得敘出

中 華 民 國 三 十 八 年 元 月 日

西北革命史徵稿序

褒卹會頃以文來言所爲西北革命史徵稿經十餘年之搜集纂著近始成書急思授梓而苦於經費之無着因備言採訪之艱難綴輯之曠日經時請爲籌撥印資庶免散失之虞不惟任其事者十餘年之辛勩不止虛擲而諸先烈之聲光浩氣與西北三十年來之革命史實亦將永賴以無墜余詳檢全秩則自辛亥以來西北首事諸公以暨數十年來革命之事跡與夫先後死事之國殤舉彌有遺焉雖其間文字之載量繁簡事實之容有未備體例之或未盡合於史志然信則傳信疑則傳疑舉其所知以求其所不知要爲無害也余喜其條貫清晰一寓目而西北數十年之史實碩然可見因給以印刷之資俾早日付印成書想亦西北人士及有心我國革命史實者所共樂覩也余則猶以爲著錄史志不厭精詳他日若更得求諸故老網羅散失排比精審的然成一西北革命信史佈之通國藏之史窠則又余之所殷望也書既付印來請弁語因書此以誌之中華民國三十八年元月陝西省政府主席董釗識

題詞

追憶陝西靖國軍及圍城之役諸事淒然成詠十首

于右任

一

（中呂醉高歌）關前春雨人歌塞上驚沙浪鎖勸君莫唱家山破太華遙開萬朵

二

（前調）禹王廟上風高黃祖陵前樹老長途駐馬鄉人笑留得詩情畫稿

七年由禹門渡河至延安轉三原

三

（前調）當年仗義登壇蒼隼騰巢竟返雲屯牧野繁星爛西北天容照眼

成立總司令部編義師爲五路

四

（前調）死傷誰覆戎衣飢饉翻憐戰壘文人血與勞民淚天下歌呼未已

弔于鶴九李春堂宋相臣樊鍾山惠有光諸先生

五

(前調) 幾章民治殘詩幾頁人豪戰史名儒名將兼名士時代光明創始

弔朱佛光李子遼胡登生彭仲翔柏厚甫周定侯諸先生

六

(前調) 魂招東里心驚路入南仁月冷山河百戰人民病五丈原頭自省

南仁村爲甘肅先生殉難處十一年夏岐風敗後予由甘肅南下

七

(前調) 貝加湖畔雲開烏拉山前凍解誓師大漠風雲待金鼓東征未改

由蘇聯至五原入陝

八

(前調) 名城高掛殘暉燕子猶尋故壘兵民負七墳前淚爭祭當年餓鬼

西安圍城後市民三墳皆負土所成故名曰負土墳

九

(前調) 豐碑爲募文豪凶歲難安父老秋風忽起咸陽道多少高墳蔓草

友人欲爲王陸一立碑予以年荒阻之

十

(前調) 自由之戰經年革命成功尙遠太平樂府人間遍呼喚中華運轉

中國國民革命之興起其肇為此時期之社會主要思潮與發動此革命之主要力量者南北地區各有其因素而共同三民主義建國及建設新世界之大道適逢在珠江流域省分值太平天國革命運動失敗之後流風驟烈禍影響於民間雖全田賦已稍減於煩雜之衣冠而納海稅傷仍皆昂為近狀之傳說外則帝國主義之侵略使人民生計慘狀北地之變革其由農村經濟破壞迫而遠涉海外者咸則感嘆殖民地之殘虐或則憤慨於民主之治成則深覺還思如吐言存伏之危機民生困窮鬥爭必起生靈形式已至窮則必變之時凡此原因必將終極為主張創造新時勢

為理想運挺生所倡導之主義所決定之革命策略其為歷史使命與地理環境之真實時代而不容疑者也至於黃河流域民族之意識故國之眷戀二百餘年來遺民孤忠長在天塹空山客寓以經濟相傳授保存古法研究水利農田計儲藏牧學為經世之用而不流於當世功名北方之學所用精緻樞實者義理之精微則更復之國防護生民之利病切則應政之設想不廢且異族之虐政下非復明神皇帝訪之年而今日之山河非易漢兵之舊今日之文物非朱民禮遇之遺人民無怪神息焉而載勢已絕不可久又自英法聯軍及八國聯軍進犯以來彼等前政府對外失敗而國受奇恥內則禍亂迫迫絕人民之生機而成為國家求自救自立之絕大障礙當時之時會革命之外無他道北方人民深覺起起雷聲有發南北相應故其時雖主義之傳導未週行動之紀律未一而敢知此事之不容已即亦各盡其所知各盡其所安各就一地方之力從事革命所謂先為天下作輜障仁者見其仁智者見其智此亦革命必有之經歷也主義之推行與成就非有此經過不為功夫革命固為一科學之事而當其機杼之初智力之不齊人事之不睦頗未盡深思密計往往誤逞風動亂之能事以出之者其反於科學條理者其責此種兩界衝突現象落之既久實反映社會內情之不安而現狀既非確保持即大破壞不暇其擇正革命所以必發生之故也在六職現中既而發現何者仍當保留何者且當建設之新格即然後革命行動與其力量乃漸歸於革命主義之所要求斯亦仍合於科學之觀察也革命發生後一切事業發展在不斷進步中亦不斷與革命之領導歸於充實革命為無前例之事其進退亦隨時勢而推移此革命大業中之甘苦吾人苟非欲俾後天功同高蹈然回憶承認此事實也故中國革命發生並發展於若干不同之地區方法形式諸不盡同而惟主義之趨向有歷史之命定有時代之指示信仰無殊自兩共赴以卒底於成功之故故殊不能以方域之見自認革命之一旦進而派却發生革命之全面意義其形勢較艱客觀條件較艱苦之他一地區凡其事之所能至皆其力之所已盡竭士仁人之苦悶犧牲尺寸寸天之海濤區山川竟隔風氣空間然成其為革命策源地在整個革命運動中之放獻固炯然長在也前事不忘所貴乎史無偏文抑一切不獲已之事實不可再之教訓不必要之殘傷不忍博之開憾以檢討革命事業之用心比事而屬辭知人而論世則成敗之迹相需相應之效有以明作始之簡而將事之巨遼端乎一方面而功乎天下

今日去辛亥革命已三十年始欲敘此經過為他日史事之徵故宜當申言此項工作之意義夫關係國家民族之一大事與若干人生命心力之所生自辛亥而將黃埔國體法尤以陝西靖國軍之展現為西北革命同志乃至全北方革命同志死生患難之所經營以一隅之地當六省之兵燹五年之久驅嵩之山黃河之水百戰千戰萬人一人安可使光滅景絕顧大風鄉里寂然成當時經制軍政建樹文物規模燦然不以危迫在時最為幸矣之轉為在今日冒開創之謀則斯更不能及時續載也吾人固謂陝西為中國西北力全北方革命之策源地亦北方革命同志熱心力之地遠處天南其精神聖之使命事且可徵文惟求信載筆之始源述焉云

西北革命史徵稿目次

敘言

目次

題詞

大事記

辛亥革命紀事

二次革命紀事

討袁護國之役紀事

靖國軍革命紀事

首都革命紀事

圍城紀事

先烈紀傳

西北革命史徵引用書目

西北革命官佐死事表

西北革命士兵陣亡表

西北革命在事有勞表

附錄 陝西革命先烈褒卹會經過及組織

西北革命史徵稿（上卷）

西北革命大事記

民元前七年乙巳（清光緒二十一年）秋井勿幕歸自日本以同盟會員開始運動西北革命

民元前六年丙午（清光緒二十二年）春同盟會員黨人井勿幕鄒子良等三十餘人在三原招開全體會議決定徵收會員及推進黨務各方法并鄒諸人旋赴北山各縣規劃於耀縣創設畜牧場派人於宜君馬欄及黃龍山各地查勘鐵礦並爲黨人聯合秘密機關

是時清廷議築西潼鐵路由官方借外資辦理陝西在籍職官張拜雲吳寶三等聯合地方紳商上書郵傳部爭之請由當地募股改歸商辦清廷不許

民元前五年丁未（清光緒三十三年）蒲城教育分會會長兼高小學堂教員常自新等進行革命謀洩爲縣令李體仁拘捕刑訊學生原斯寔死於杖下激起全省各學堂

罷課風潮

民元前四年戊申（清光緒三十四年）張拜雲李仲特焦子靜王子端等十餘人發起於西安設立健本學堂

張拜雲焦子靜合股開設公益書局及公益印字館於西安購運印刷革命書報刊物並爲黨人祕密集會機關

郭希仁王銘丹賀絨之等數十人於西安組織麗澤館聲鐸社公開演說啓發民智郭子良在省城西嶽廟設女子小學皆爲革命祕密機關

是年陝西同盟分會成立公推李仲特爲會長九月重陽日井勿幕郭希仁柏筱餘高又明焦子靜吳希真及方外吳盧白等二十餘人託事分赴北山各地會於中部公祭黃帝陵爲文誓墓

民元前三年己酉（清宣統元年）陝西新軍混成協成立錢定三張翔初張靖清張伯英諸人先後回陝服務新軍開始運動軍界同志及哥老會黨人加入革命團體張伯英等自新諸人於省城南院門設一武學研究社爲軍界革命同志祕密集會地點陝西省諮議局成立郭希仁被推副議長同志如李仲特井崧生柏筱餘等皆爲議紳

民元前二年庚戌（清宣統二年）三月井勿幕第三次回陝召集黨人在涇陽柏氏花園開會報告東南各省革命情形並擬自西北發難計畫決議實行聯合會黨共同進行議定後勿幕與郭希仁焦子靜鄒子良諸人遂在城南大雁塔開會哥老會黨徒遂有正式加入者

是年六月初三日井勿幕錢定三張伯英党自新張聚庭鄒子良胡景翼李仲三等與哥老會首領張雲山萬炳南王榮鎮等三十餘人開聯席會議於大雁塔歃血爲盟共圖大舉於是西北革命三大主流（同盟會軍學各界暨哥老會黨）乃彙爲一

是年冬郭希仁等以諮議局名義公揭新軍督練公所總辦王統江罪狀於北京資政院劾之去職西北人士之在軍中者始得依資遷升任用漸握實權

民元前一年辛亥（清宣統三年）九月初一日陝西新軍舉義光復西安外縣各地黨人豪傑及哥老會黨徒紛起響應

初五日陝西軍政府成立衆推張鳳翔任大統領錢定三萬炳南同任副統領
初八日山西新軍黨人閻錫山等光復太原

十二日駐華陰廟巡防統領胡明貴率部反正光復潼關

十三日清軍攻潼關胡明貴與戰死之

十四日錢定三率衆百餘東行至渭南遇害

十九日新疆伊犁新軍全部反正光復伊犁

二十一日張伯英率衆克復潼關

十月初一日清吏升允前部甘軍攻我長武

初五日張伯英率衆出潼關與清軍相持於靈寶間

十七日張雲山率衆敗升允軍於長武

十九日張伯英再戰清軍於盤豆鎮不勝退守華陰

二十二日陝軍大統領張鳳翽率衆東援廿六日誓師於華陰二十七日進攻潼關不克

二十六日西路民軍與升允軍戰於長武再店橋大敗向字營全營覆沒我軍退守乾州

二十九日張鳳翽張伯英以五路之師攻潼關敵軍不支連夜退出潼關

三十日我軍第二次收復潼關

十一月九日清軍攻陷娘子關晉民軍分南北兩路退却

十一日陝北路招討安撫使井勿幕東路節度使陳柏生率衆渡河光復蓮城與晉民軍

之南來者李岐山等會合援晉

十五日張鳳翽張雲山馬玉貴等分兵三路與升允軍大戰於乾州北原

二十一日張伯英率衆復東進至觀音堂澗池一帶

同日陝軍副統領萬炳南與升允軍崔正午部戰於鳳翔不利退守岐山

二十二日敢死軍統領曹印侯大敗甘軍於鳳翔西之柳林舖

二十三日北路招討使第一標統帶胡景翼敗升允軍於三水張戶原

十二月初二日東路民軍陳樹發李仲三等與清軍戰於牛頭原七里店各地均大敗張伯英退保維南潼關復失

二十六日東路民軍派代表赴潼關與清軍議和二十八日雙方代表會於泉店簽定停戰條約束路戰事平

民國元年壬子舊曆正月初一日清升允軍陸洪濤部陷醴泉進逼咸陽

初六日吳世昌吳善卿等敗清軍於咸陽

初十日吳善卿率衆攻醴泉中伏陣亡

十三日陳柏生派兵攻醴泉標統嚴飛龍先登歿於陣

十八日乾州守軍張雲山與升允軍馬安良部局部議和

十九日陝民軍請牛夢周張曉山諸先生赴醴泉十八里舖見升允勸令罷兵息民雙方
定立議和條約並約以二十四日與民軍諸人會於興平至期不果升允於是日即引
兵西去西路戰事結束

三月十一日甘肅道員黃鉞據秦州反正

是年秋陝革命黨人井勿幕胡景翼宋向辰曹印侯等皆出國留學

二年癸丑春郭希仁辭國會參議院議員出遊歐洲

是年秋二次革命起陝黨人鄒子良馬開臣被殺

三年甲寅春陝都督張鳳翔被免職入京陸建章督陝改稱將軍陝軍被裁汰幾盡

四年乙卯陝晉各革命黨人均星散

是年冬郭希仁歸自歐洲講學華下共學閥陝甘晉豫各地黨人皆歸之

五年丙辰春郭希仁避難赴山西趙城夏六月景梅九被逮檻送京師黨人李秋軒等欲
劫奪之不得

三月陝黨人王紹文張梁如等數十人密組討袁軍謀洩被逮同日就義者十八人時稱